

水經注匯校卷二十八

江西新城楊希閔臥雲校本

後魏酈道元撰

沔水 案此卷經文又東過堵陽縣至注文習鑿齒又為其宅銘焉原本及近刻並為卷二十九之首以又

東過襄陽縣北至末為卷二十八前後互訛今訂正辨說詳後

又東過堵陽縣堵水出自上粉縣 案堵水出下原本及近刻並有焉字係後人妄加今

刪去北流注之 全氏祖望云堵陽即漢南陽之屬縣此是漢舊

粉縣疑是曹魏暫置而旋廢者寰宇記房陵縣有粉城因粉水為名疑即上粉縣故城此經文晚出之證

堵水出建平郡界故亭谷東歷新城郡郡故漢中之房陵

縣也世祖建武元年封鄧晨為侯國漢末以為房陵郡魏

文帝合房陵上庸西城立以為新城郡以孟達為太守治

房陵故縣有粉水縣居其上故曰上粉縣也堵水之旁有

水經注匯校卷二十八

一

別溪岸側土色鮮黃乃云可噉有言飲此水者令人無病

而壽豈其信乎又有白馬山山石似馬望之逼真側水謂

之白馬塞孟達為守登之而歎曰劉封申耽據金城千里

而更失之乎為上堵吟音韻哀切有惻人心今水次尚歌

之堵水又東北逕上庸郡故庸國也春秋文公十六年楚

人秦人巴人滅庸庸小國附楚楚有災不救舉羣蠻以叛

故滅之以為縣屬漢中郡漢末又分為上庸郡城三面際

水堵水又東逕方城亭南東北歷嶮山下而北逕堵陽縣

南北流注于漢謂之堵口漢水又東謂之澇灘冬則水淺

而下多大石又東為淨灘夏水急盛川多湍洑行旅苦之

故諺曰冬澇夏淨斷官使命言二灘阻礙

又東過鄖鄉南

漢水又東逕鄖鄉縣南之西山上。有石蝦蟆倉卒看之與真不別。閱案趙本此下依寰宇記校補十六字曰山北有舊記之。崖旁視之有一穴甚明號為星牖官本載本均仍存參。漢水又東逕鄖鄉縣故城南。謂之鄖鄉灘。縣故黎也。卽長利之鄖鄉矣。地理志曰有鄖關。李奇以為鄖子國。晉太康五年立以為縣。漢水又東逕琵琶谷口。梁益二州分境于此。故謂之琵琶界也。

又東北流又屈東南過武當縣東北

縣西北四十里。漢水中有洲名滄浪洲。庾仲雍漢水記謂之千齡洲。非也。是世俗語訛音與字變矣。地說曰水出荆山東南流為滄浪之水。是近楚都故漁父歌曰滄浪之水。

水經注匯校 卷二十八

清兮可以濯我纓。滄浪之水濁兮可以濯我足。余按尚書禹貢言導漾水東流為漢。又東為滄浪之水。不言過而言為者。明非他水決入也。蓋漢沔水自下有滄浪通稱耳。纏絡鄖郢地。連紀郡。咸楚都矣。漁父歌之不違水地。考按經傳。宜以尚書為正耳。漢水又東為佷子潭。潭中有石磧洲。長六十丈。廣十八丈。世亦以此洲為佷子葬父于斯。故潭得厥目焉。所未詳也。漢水又東南逕武當縣故城北。世祖封鄧晨子棠為侯。國內有一碑文字磨滅不可復識。俗相傳言是華君銘。亦不詳。華君何代之士。漢水又東平陽川水注之。水出縣北伏親山。南歷平陽川。逕平陽故城下。又南流注于沔。案注內自此以下復稱沔。沔水又東南逕武當縣故城。

東又東曾水注之水導源縣南武當山一曰太和山亦曰嶮上山山形特秀又曰仙室荊州圖副記曰山形特秀異于眾嶽峯首狀博山香爐亭亭遠出藥食延年者萃焉晉咸和中歷陽謝允舍羅邑宰隱遁斯山故亦曰謝羅山焉曾水發源山麓逕越山陰東北流注于沔謂之曾口沔水又東逕龍巢山下山在沔水中高十五丈廣員一里二百三十步山形峻峭其上秀林茂木隆冬不凋

又東南過涉都城東北故鄉名也按郡國志筑陽縣有涉都鄉者也漢武帝元封元年封南海守降侯子嘉為侯國均水于縣入沔謂之均口也

水經注匯校 卷二十八

又東南過鄧縣之西南縣治故城南臨沔水謂之鄧頭漢高帝五年封蕭何為侯國也薛瓚曰今南鄉鄧頭是也茂陵書曰在南陽王莽更名南夷者也

又南過穀城東又南過陰縣之西

沔水東逕穀城南而不逕其東矣城在穀城山上春秋穀伯綏之邑也墉闐頽毀基塹亦存沔水又東南逕陰縣故城西故下陰也春秋昭公十九年楚工尹赤遷陰于下陰是也縣東有冢縣合濟南劉熹字德怡魏時宰縣雅好博古教學立碑載生徒百有餘人不終業而夭者因葬其地號曰生墳沔水又東南得洛溪口水出縣西北集池陂東

南流逕洛陽城北枕洛溪溪水東南注沔水也

又南過筑陽縣東筑水出自房陸縣東過其縣南流注之

沔水又南汎水注之水出梁州閬陽縣魏遣夏侯淵與張

郃下巴西進軍宕渠劉備軍汎口卽是水所出也張飛自

別道襲張郃于此水郃敗棄馬升山走還漢中汎水又東

逕巴西歷巴渠北新城上庸東逕汎陽縣故城南晉分筑

陽立自縣以上山深水急枉渚崩湍水陸徑絕又東逕學

城南案此六字原本及近刻並訛作經考上下文義乃注內敘汎水所逕梁州大路所由也

舊說昔者有人立學都于此值世荒亂生徒罔依遂共立

城以禦難故城得厥名矣汎水又東流注于沔謂之汎口

也沔水又南逕闕林山東本郡陸道之所由山東有二碑

水經注匯校 卷二十八

其一卽記闕林山文曰君國者不躋高堙下先時或斷山

岡以通平道民多病守長冠軍張仲踰乃與邦人築斷故

山道作此銘其一郭先生碑先生名輔字甫成有孝友悅

學之美其女爲立碑于此並無年號皆不知何代人也沔

水又南逕筑陽縣東又南筑水注之杜預以爲彭水也水

出梁州新城郡魏昌縣界縣以黃初中分房陵立筑水東

南流逕筑陽縣水中有孤石挺出其下澄潭時有見此石

根如竹根而黃色見者多凶相與號爲承受石所未詳也

筑水又東逕筑陽縣故城南縣故楚附庸也秦平鄢郢立

以爲縣王莽更名之曰宜禾也建武二十八年世祖封吳

豎爲侯國筑水又東流注于沔謂之筑口沔水又南逕高

亭山東山有靈焉士民奉之所請有驗河水又東爲漆灘  
新野郡山都縣與順陽筑陽分界于斯灘矣

又東過山都縣東北

沔南有固城城側沔川卽新野山都縣治也舊南陽之赤  
鄉矣秦以爲縣漢高后四年封衛將軍王恬啓爲侯國沔  
北有和城卽郡國志所謂武當縣之和城聚山都縣舊嘗  
治此故亦謂是處爲故縣灘閱案戴本無灘字沔水北岸數里有  
大石激名曰五女激或言女父爲人所害居固城五女見  
復父怨故立激以攻城城北今淪于水亦云有人葬沔北  
墓宅將爲水毀其人五女無男皆悉巨富共脩此激以全  
墳宅然激作甚工又云女嫁爲陰縣佷子婦家貲萬金而

水經注匯校

卷二十八

五

自少小不從父語父臨亡意欲葬山上恐兒不從故倒言  
葬我著渚下石磧上佷子曰我由來不奉教今從語遂盡  
散家財作石冢積土繞之成一洲長數百步元康中始爲  
水所壞今石皆如半榻許數百枚聚在水中佷子是前漢  
人襄陽太守胡烈有惠化補塞堤決民賴其利景元四年  
九月百姓刊石銘之樹碑于此沔水又東偏淺冬月可涉  
渡謂之交湖兵戎之交多自此濟晉太康中得鳴石于此  
水撞之聲聞數里沔水又東逕樂山北昔諸葛亮好爲梁  
甫吟每所登遊故俗以樂山爲名沔水又東逕隆中歷孔  
明舊宅北亮語劉禪云先帝三顧臣于草廬之中咨臣以  
當世之事卽此宅也車騎沛國劉季和之鎮襄陽也與犍

為人李安朱箋王隱晉書云李興密之子也一名安共觀此宅命安作宅銘云

天子命我于沔之陽聽鼓鞀而永思庶先哲之遺光後六

十餘年永平之五年習鑿齒又為其宅銘焉案又東過堵陽縣至此原

本及近刻並訛在沔水之末以沔水下表目而又東過襄陽縣北至注內附敘三江所終並訛在前以沔水中表目

考錫縣故城在今陝西興安州白河縣東堵陽故城在今湖北鄖陽府鄖縣西南白河縣東接鄖縣沔水逕錫縣北

歷姚方即至堵陽又隆中在今襄陽縣西二十里襄陽故城即今縣治沔水逕隆中歷孔明舊宅即至襄陽城移近

刻所謂沔水下者于沔水中之前則敘次不紊矣今改正

又東過襄陽縣北案又東上原本及近刻並有沔水二字因後人所妄加

沔水又東逕萬山北山上有鄒恢碑沈氏云鄒恢疑鄒恢之誤晉書鄒鎮襄陽

得民魯宗之所立也山下潭中有杜元凱碑元凱好尚後

水經注匯校卷二十八 六

名作兩碑並述已功一碑沈之岷山水中一碑下之于此

潭曰百年之後何知不深谷為陵也山水曲之隈云漢

女昔遊處也故張衡南都賦曰遊女弄珠于漢皋之曲漢

皋即萬山之異名也沔水又東合檀溪水水出縣西柳子

山下東為鴨湖湖在馬鞏山東北武陵王愛其峯秀改曰

望楚山溪水自湖兩分北渠即溪水所導也北逕漢陰臺

西臨流望遠按眺農圃情邈灌蔬意寄漢陰故因名臺矣

又北逕檀溪謂之檀溪水水側有沙門釋道安寺即溪之

名以表寺目也溪之陽有徐元直崔州平故宅悉人居故

習鑿齒與謝安書云每省家舅縱目檀溪念崔徐之交未

嘗不撫膺躊躇惆悵終日矣溪水傍城北注昔劉備為景

升所謀乘的顛馬西走墜于斯溪西去城里餘北流注于  
沔一水東南出應劭曰城在襄水之陽故曰襄陽是水當  
卽襄水也趙氏一清曰樂史謂荆楚之地水駕山而上者皆呼爲襄其名無定故陸澄之地記曰襄陽無襄水  
城北枕沔水卽襄陽縣之故城也王莽之相陽矣楚  
之北津成也今大城西壘是也其土古鄆都盧羅之地秦  
滅楚置南郡號此爲北部建安十三年魏武平荊州分南  
郡立爲襄陽郡荊州刺史治邑居殷賑冠蓋相望一都之  
會也城南門道東有三碑一碑是晉太傅羊祜碑一碑是  
鎮南將軍杜預碑一碑是安南將軍劉儼碑並是學生所  
立城東門外二百步劉表墓太康中爲人所發見表夫妻  
其尸儼然顏色不異猶如平生墓中香氣遠聞三四里中

水經注匯校 卷二十八

經月不歇今墳冢及祠堂猶高顯整頓城北枕沔水水中  
常苦蛟害襄陽太守鄧遐負其氣果拔劍入水蛟繞其足  
遐揮劍斬蛟流血丹水自後患除無復蛟難矣昔張公遇  
害亦亡劍于是水後雷氏爲建安從事逕踐瀨溪所留之  
劍忽于其懷躍出落水初猶是劍後變爲龍故吳均劍騎  
詩云劍是兩蛟龍何云道元與吳均同時安得引用其詩疑此書後人附益者多矣 趙云義門此言可謂精案  
張華之言不孤爲驗矣沔水又逕平魯城南城魯  
宗之所築也故城得厥名矣東對樊城樊仲山甫所封也  
全云仲山甫所封之樊在河內所謂陽樊者也非此樊也此樊因樊山爲名漢晉春秋稱桓帝  
幸樊城百姓莫不觀有一老父獨耕不輟議郎張溫使問  
焉父笑而不答溫因與之言問其姓名不告而去城周四

里南半淪水建安中關羽圍于禁于此城會沔水泛溢三丈有餘城陷禁降龐德奮劍乘舟投命于東岡魏武曰吾知于禁三十餘載至臨危授命更不如龐德矣城西南有曹仁記水碑杜元凱重刊其後書伐吳之事也

又從縣東屈西南消水從北來注之  
襄陽城東有東白沙白沙北有三洲東北有宛口趙云通典樊城有宛水故有宛口之名卽消水所入也沔水中有魚梁洲龐德公所居土元居漢之陰在南白沙世故謂是地為白沙曲矣司馬德操宅洲之陽望衡對宇歡情自接汎舟褰裳率爾休暢豈待還桂柁于千里貢深心于永思哉水南有層臺號曰景升臺蓋劉表治襄陽之所築也言表盛遊于此常所

水經注匯校 卷二十八

止憩表性好鷹嘗登此臺歌野鷹來曲其聲韻似孟達上堵吟矣沔水又逕桃林亭東又逕峴山東山上有桓宣所築城孫堅死于此又有桓宣碑羊祐之鎮襄陽也與鄒潤甫嘗登之及祐薨後人立碑于故處望者悲感杜元凱謂之墮淚碑山上又有征南將軍胡羆碑又有征西將軍周訪碑山下水中杜元凱沈碑處沔水又東南逕蔡洲漢長水校尉蔡瑁居之故名蔡洲洲東岸西有洄湖停水數十晦長數里廣減百步水色常綠楊儀居上洄楊顛居下洄與蔡洲相對在峴山南廣昌里又與襄陽湖水合水上承鴨湖東南流逕峴山西又東南流注白馬陂水又東入侍中襄陽侯習郁魚池何云者舊傳謂字文通郁依范蠡養魚法作大



陂陂長六十步廣四十步池中起釣臺池北亭郁墓所在也列植松篁于池側沔水上郁所居也又作石泐透引大池水于宅北作小魚池池長七十步廣二十步西枕大道東北二邊限以高堤楸竹夾植蓮芡覆水是遊宴之名處也山季倫之鎮襄陽每臨此池未嘗不大醉而還恒言此是我高陽池故時人爲之歌曰山公出何去往至高陽池日暮倒載歸酪酊無所知其水下入沔沔水西又有孝子墓河南秦氏性至孝事親無倦親沒之後負土成墳常泣血墓側人有咏蓼莪者氏爲泣涕悲不自勝于墓所得病不能食虎常乳之百餘日卒今林木幽茂號曰孝子墓也其南有蔡瑁冢冢前刻石爲大鹿狀甚大頭高九尺制作

甚工沔水又東南逕邑城北習郁襄陽侯之封邑也故曰邑城矣沔水又東合洞口水出安昌縣故城東北大父山西南流謂之白水又南逕安昌故城東屈逕其縣南縣故蔡陽之白水鄉也漢元帝以長沙卑溼分白水上唐二鄉爲春陵縣光武卽帝位改爲章陵縣置園廟焉魏黃初二年更從今名故義陽郡治也白水又西南流而左會昆水水導源城東南小山西流逕金山北又西南流逕縣南西流注于白水水北有白水陂其陽有漢光武故宅基址存焉所謂白水鄉也蘇伯阿望氣處也光武之征秦豐幸舊邑置酒極懽張平子以爲真人南巡觀舊里焉東觀漢記曰明帝幸南陽祀舊宅召校官子弟作雅樂奏鹿鳴上自

御墳麓和之以娛賓客。又于此宅矣。白水又西合澧水。水出于襄鄉縣東北陽中山。西逕襄鄉縣之故城北。按郡國志是南陽之屬縣也。澧水又西逕蔡陽縣故城。東西南流注于白水。又西逕其城南。建武十三年世祖封城陽王。祉世子本為侯國。應劭曰：蔡水出蔡陽東入淮。今于此城南更無別水。惟是水可以當之。川流西注，苦其不東。且淮源阻礙山河，無相入之理。蓋應氏之誤耳。趙云：應氏所謂入出房陵淮山之淮，今注云云，直誤認作出桐柏大復山之淮，故以應說為非也。洞水又西南流注于沔水。

又東過中廬縣東，維水自房陵縣維山東流注之。

縣即春秋廬戎之國也。縣故城南有水出西山，山有石穴。

水經注匯校

卷二十八

十

出馬謂之馬穴山。漢時有數百匹馬出其中，馬形小似巴滇馬。三國時陸遜攻襄陽于此穴，又得馬數十匹，送建業。蜀使至，有家在滇池者，識其馬毛色，云其父所乘馬對之流涕。其水東流百四十里，逕城南，名曰浴馬港。言初得此馬，洗之于此，因以名之。亦云乘出沔次浴之，又曰洗馬廐。渡沔宿處名之曰騎亭。然候水諸蠻北過，是水南壅，維川以周田，溉下流入沔。沔水東南流，逕犁丘故城西。其城下對繕州秦豐居之，故更名秦州。王莽之敗也，秦豐阻兵于犁丘。犁丘城在觀城西二里。建武三年，光武遣征南岑彭擊豐。四年，朱祐自觀城擒豐于犁丘，是也。沔水又南與疏水合。水出中廬縣西南，東流至即縣北界，東入沔水，謂之

疎口也。水中有物如三四歲小兒，鱗甲如鯨鯢，射之不可入。七八月中，好在磧上自曝，鄰頭似虎掌爪，常沒水中。出鄰頭小兒，不知欲取弄戲，便殺人。或曰：人有生得者，摘其鼻，厭可小小使，名為水虎者也。朱箋：孫汝澄云：鼻厭者，水虎之勢也。可為媚藥。沈氏大成云：山東登萊一帶海中有狗名曰海狗，冬月則常處冰上，一牡出常有數十，北隨之人取以為媚藥，俗名溫胸膈，倘即水虎之謂耶？大樽周氏說：趙云：謂媚藥者何？據攷陶隱居刀劍錄引水經語與今文小異，鼻字作鼻厭，字屬下，即厭勝之厭，可小小使如黃公之制蛇御虎也。閱案三說均存參。

又南過即縣東北

沔水之左有騎城，周迴二百餘，高一丈六尺，即騎亭也。縣故楚邑也。秦以為縣。漢高帝十一年封黃極忠為侯，國縣南有黃家墓，墓前有雙石闕，彫制甚工，俗謂之黃公闕。黃

水經注匯校 卷二十八

公名尚，為漢司徒沔水。又東逕豬蘭橋，橋本名木蘭橋，橋之左右豐蒿荻于橋東。劉季和大養豬，襄陽太守曰：此中作豬屎臭，可易名豬蘭橋。百姓遂以為名矣。橋北有習郁宅，宅側有魚池，池不假功，自然通洫，長六七十步，廣十丈，常出名魚。沔水又南得木里水，會楚時于宜城東，穿渠上口去城三里。漢南郡太守王寵又鑿之，引蠻水灌田，謂之木里溝。逕宜城東，而東北入于沔，謂之木里水口也。又南過宜城縣東，夷水出自房陵，東流注之。

夷水蠻水也。桓溫父名夷，改曰蠻水。夷水導源中廬縣界，康狼山山與荆山相鄰，其水東南流，歷宜城西，山謂之夷溪。又東南逕羅川城，故羅國也。又謂之鄢水。春秋所謂楚

人伐羅渡鄆者也夷水又東南流與零水合零水卽沔水也沔音怡上通梁州沔陽縣之默城山司馬懿出沮之所由其水東逕新城郡之沔鄉縣縣分房陵立謂之沔水又東歷軫鄉謂之軫水晉武帝平吳割臨沮之北鄉中廬之南鄉立上黃縣治軫鄉沔水又東歷宜城西山謂之沔溪東流合于夷水謂之沔口也與夷水亂流東出謂之淇水逕蠻城南城在宜城南三十里春秋莫敖自羅敗退及鄆亂次以濟淇水是也夷水又東注于沔昔白起攻楚引西山長谷水卽是水也舊竭去城百許里水從城西灌城東入注爲淵今勳斗陂是也水潰城東北角百姓隨水流死于城東者數十萬城東皆臭因名其陂爲臭池後人因其渠

水經注匯校

卷二十八

三

流以結陂田城西陂謂之新陂覆地數十頃西北又爲土門陂從平路渠以北木蘭橋以南西極土門山東跨大道水流周通其水自新陂東入城城故鄆郢之舊都秦以爲縣漢惠帝三年改曰宜城其水歷大城中逕漢南陽太守秦頡墓北墓前有二碑頡都人也以江夏都尉出爲南陽太守逕宜城中見一家東向頡住車視之曰此居處可作冢後卒于南陽喪還至昔住車處車不肯進故吏爲市此宅葬之孤墳尚整案此下近刻有冢前有城南有宋玉宅玉邑人雋才辯給善屬文而識音也其水又逕金城前縣南門有古碑猶存其水又東出城東注臭池臭池溉田陂水散流又入朱湖陂朱湖陂亦下灌諸田餘水又下入木

里溝木里溝是漢南郡太守王寵所鑿故渠引鄢水也灌田七百頃白起渠溉三千頃膏良肥美更爲沃壤也縣有太山山下有廟漢末名士居其中刺史二千石卿長數十人朱軒華蓋同會于廟下荆州刺史行部見之雅歎其盛號爲冠蓋里而刻石銘之此碑于永嘉中始爲人所毀其餘文尚有可傳者其辭曰峨峨南岳烈烈離明寔敷儁又君子以生惟此君子作漢之英德爲龍光聲化鶴鳴此山以建安三年崩聲聞五六十里雉皆屋雒縣人惡之以問侍中龐季季云山崩川竭國土將亡之占也十三年魏武平荆州沔南彫散沔水又逕都縣故城南古都子之國也秦楚之間自商密遷此爲楚附庸楚滅之以爲邑縣南臨

沔津津南有石山上有古烽火臺縣北有大城楚昭王爲吳所迫自紀郢徙都之卽所謂鄢都盧羅之地也秦以爲縣沔水又東敖水注之水出新市縣東北又西南逕太陽山西南流逕新市縣北又西南而右合枝水水出大洪山而西南流逕襄陽都縣界西南逕狄城東南左注敖水敖水又西南流注于沔實曰敖且沔水又南逕石城西城因山爲固晉太傅羊祜鎮荆州立晉惠帝元康九年分江夏西部置竟陵郡治此沔水又東南與白水合水出竟陵縣東北聊屈山一名盧屈山西流注于沔魯定公四年吳師入郢昭王奔隨濟于成曰謂是水者也

又東過荆城東

案此六字原本及近刻並訛入注內今據全書體例定爲經文

沔水自荆城東南流逕當陽縣之章山東山上有故城太尉陶侃伐杜曾所築也禹貢所謂內方至于大別者也既濱帶沔流寔會尚書之文矣沔水又東右會權口水出章山東南流逕權城北古之權國也春秋魯莊公十八年楚武王克權權叛圍而殺之遷權于那處是也何云鬪縉以權叛圍而殺之者蓋縉也頗失本意事亦不在此時見十八年傳耳沈氏大成曰莊十八年傳云初楚武王克權上有初字知其事不在東南有那口城權水又東入于沔沔水又東南與揚口合水上承江陵縣赤湖江陵西北有紀南城楚文王自丹陽徙此平王城之班固言楚之郢都也城西南有赤坂岡岡下有瀆水東北流入城名曰子胥瀆蓋吳師入郢所開也謂之西京湖又東北出城西南注于龍陂陂古

水經注匯校 卷二十八

古

天井水也廣圓二百餘步在靈溪東江堤內水至淵深有龍見于其中故曰龍陂陂北有楚莊王釣臺高三丈四尺南北六丈東西九丈陂水又逕郢城南東北流謂之揚水又東北路白湖水注之趙云白湖一日路白湖其水達巴陵湖在大港北港南曰中湖南堤下曰昏官湖三湖合為一水東通荒谷荒谷東岸有治父城春秋傳曰莫敖縊于荒谷羣帥囚于治父謂此處也春夏水盛則南通大江否則南迄江堤北逕方城西方城即南蠻府也又北與三湖會故盛弘之曰南蠻府東有三湖源同一水蓋徙治西府也宋元嘉中通路白湖下注揚水以廣運漕揚水又東歷天井北井在方城北里餘廣圓二里其深不測井有潛室見輒兵西岸有天

井臺因基舊堤臨際水滑遊憩之佳處也揚水又東北流東得赤湖水口湖周五十里城下陂池皆來會同湖東北有大暑臺高六丈餘縱廣八丈閱案官本戴本作八尺何本趙本作八丈據上文曰大暑臺高六丈餘則此非八丈不稱故从何趙一名清暑臺秀宇層明通望周博遊者登之以暢遠情揚水又東入華容縣有靈溪水西通赤湖水口已下多湖周五十里城下陂池皆來會同又有子胥瀆蓋入郢所開也水東入離湖湖在縣東七十五里國語所謂楚靈王闕為石郭陂漢以象帝舜者也案吳語楚靈王不君乃築臺于章華之上闕為石郭陂漢以象帝舜章昭云闕穿也陂壅也舜葬九疑其山體水旋其丘下故壅漢水使旋石郭以象之湖側有章華臺臺高十丈基廣十五丈左丘明曰楚築臺于章華之上章昭以為章華亦地名也王

水經注匯校 卷二十八

與伍舉登之舉曰臺高不過望國之氛祥大不過容宴之俎豆蓋譏其奢而諫其失也言此瀆靈王立臺之日漕運所由也其水北流注于揚水揚水又東北與柞溪水合水出江陵縣北蓋諸池散流咸所會合積以成川東流逕魯宗之壘南當驛路水上有大橋隆安三年桓立襲殷仲堪于江陵仲堪北奔縊于此橋柞溪又東注船官湖湖水又東北入女觀湖湖水又東入于揚水揚水又北逕竟陵縣西又北納巾吐柘水即下揚水也巾水出縣東百九十里西逕巾城城下置巾水成晉元熙二年竟陵郡巾水成得銅鐘七口言之上府巾水又西逕竟陵縣北西注揚水謂之巾口水西有古竟陵大城古鄖國也鄖公辛所治所

謂鄖鄉矣。昔白起拔郢東至竟陵，卽此也。秦以爲縣，王莽之守平矣。世祖建武十三年，更封劉隆爲侯，國城旁有甘魚陂。左傳：昭公十三年，公子黑肱爲令尹，次于魚陂者也。揚水又北注于沔，謂之揚口。中夏口也。曹太祖之追劉備于當陽也，張飛按矛于長坂，備得與數騎斜趨漢津，遂濟夏口，是也。沔水又東得澹口，其水承大澹，馬骨諸湖水，周三四百里。及其夏水來，同渺若滄海，洪潭巨浪，縈連江河。故郭景純江賦云：其旁則有朱澹、丹灑，是也。

又東南過江夏雲杜縣，東夏水從西來注之。

卽堵口也。爲中夏水縣，故邛亭。左傳：若敖娶于邛，是也。禹貢所謂雲土夢作乂，故縣取名焉。縣有雲夢城，城在東北。

水經注匯校

卷二十八

六

沔水又東逕左桑。昔周昭王南征，船人膠舟以進之。昭王渡沔中流而沒，死。于是水齊楚之會，齊侯曰：昭王南征而不復，寡人是問。屈完曰：君其問諸水濱。庾仲雍言：村老云：百姓佐昭王喪事于此，成禮而行。故曰：佐喪。左桑，字失體耳。沔水又東合巨亮水，口水北承巨亮，湖南達于沔。沔水又東得合驛口。庾仲雍言：須導村，耆舊云：朝廷驛使合王喪，于是因以名焉。今須導村正有大斂口。言昭王于此殯斂矣。沔水又東謂之橫桑。言得昭王喪處也。沔水又東謂之鄭公潭。言鄭武公與王同溺水，于是余謂世數旣懸，爲不近情矣。斯乃楚之鄭鄉。守邑大夫僭言公，故世以爲鄭公潭耳。沔水又東得死沔。何云死沔當是河之枯瀆。言昭王濟沔自是。



死故有死沔之稱王尸豈逆流乎但千古茫昧難以昭知推其事類似是而非矣沔水又東與力口合有洩水出竟陵郡新陽縣西南池河山東流逕新陽縣南縣治雲杜故城分雲杜立洩水又東南流注宵城縣南大湖又南入于沔水是曰力口沔水又東南澗水入焉沔水又東逕沌水口水南通縣之太白湖湖水東南通江又謂之沌口沔水又東逕沌陽縣北處沌水之陽也沔水又東逕臨嶂故城北晉建興二年太尉陶侃爲荊州鎮此也

又南至江夏沙羨縣北南入于江

庾仲雍曰夏口一曰沔口矣尚書禹貢云漢水南至大別入江春秋左傳定公四年吳師伐郢楚子常濟漢而陳自

水經注匯校

卷二十八

七

小別至于大別京相璠春秋土地名曰大別漢東山名也在安豐縣南杜預釋地曰二別近漢之名無緣乃在安豐也案地說言漢水東行觸大別之坂南與江合則與尚書杜預相符但今不知所在矣

